



2423

Q. D. B. V.  
NVM

1744

46  
50

FOEMINAE  
OB PERVERSITATEM  
IVRIS FAVOREM QVEM HABENT  
NON MEREANTVR

BREVITER DISQVIRIT

SCHOLASQVE IVRIS APERIVNDAS

INDICIT

IO. CHRISTIANVS HEDLERVS  
I' V' D

2



---

VITEMBERGAE  
TYPIS IO. FRIDER. SCHLOMACHI  
MDCCLIV



Q. D. S. V.  
N. V. M.  
F O E M I N A E  
O B P E R V E R S I T A T E M  
I V R I S F A V O R E M Q U E R I T A R I I  
M O N. M E R I T A T U R

BREVES DISQUISITIONES  
SCHOLASTICAE IURIS AGRICOLA  
I O C H R I S T I A N I S A M B L I G I I



AMBLIGI  
1711





**D**iffertatio nuper habita fuit, cui annexum est Corollarium, *foeminas ob peruersitatem, qua antecunt uiros, quod ex Eccles. VII, 29. et 1 Tim. II, 14. demonstrari posse iudicat Auctor, fauorem juris, quem habent, non mereri.* Quo breuius haec dicta, hoc magis aculeata sunt, ut foeminarum animos fodicare omnino ac sanciare possint. Sed miror, cur huic suae sententiae nihil fidei, nihil auctoritatis, nihil rationis et firmitati adjungat, sed, aculeo infixio, quasi fugiat Auctor grauiissimus, uerborum alias pensitator subtilissimus. Nolo *ἐξανασίζην*, quibus inductus ra-

tionibus sic statuere decreuerit, quin imo uariis eum  
causis, etsi insufficientibus, permotum fuisse, ut  
adeo generaliter pronunciaret, facile credo. Ve-  
nerunt forsitan in mentem uariae distractaeque de  
foeminis uariorum opiniones iniustae aequae ac ju-  
stae. Non erubuit PACCVIVS asserere, minime  
facile foeminam inueniri bonam. IUVVENALI, Sa-  
tyricorum Triumuiro, foemina, si qua detur bona,  
dicitur rara auis in terris, nigroque simillima cygno.  
Mira res est, quod non diffiteor, notabilisque,  
foeminas apud EVRIPIDEM de se ipsas canere:  
Mulieres sumus ad bona consilia ineptissimae, ma-  
lorum autem omnium artifices sapientissimae. IUVVE-  
NALIS, uti noxios Satyrico aceto perfundit omnes,  
ita in *Satyra VI.* uehementius, acriter satis, sed  
non prorsus immerito, in mulierum libidines, su-  
perbiam, superciliosum in maritos imperium, cru-  
delitatem, remulentiam, superstitionem denique et  
ueneficia inuehitur. Dubium non est, quin sex-  
centis exemplis suam probare sententiam possit. Nec  
dubium est, quin IUVVENALIS per libidines mulierum  
intel-

intellexerit earundem lasciuam, incontinentiam, ueneream cupiditatem, immoderatumque coeundi appetitum et luxuriam, siquidem et libido dicitur temeraria omnis et inconsulta quilibet agendi uoluntas aut cupiditas, quae in foeminas quam saepissime cadit. Eo nituntur omni studio, ut sibi deuinctos habeant omnes, ut ab omnibus maximi aestimentur, reuerentiaque praestetur, ut suo ex nutu ac uoluntate omnia instituantur. Antonium ita uicerat Cleopatra, sua quidem luxuria et libidine, siquidem ejus forma ipsa per se non nimium traditur efficax ad mentes adspicientium capiendas, PLUTARCH. in *Vita M. Anton.* ut fascinatus et attonitus, belli et spei suae oblitus, nihil, quam Cleopatram, cogitaret, loqueretur, somniaret, ut Cleopatrae nutu praelium committeret, Cleopatrae ductu fugam adornaret, Cleopatrae arbitrio exitium sibi conscisceret, quae quidem ipsa, cum Antonio ab Augusto simul uicta, ubi Victoris oculos, ad pedes prouoluta, frustra tentauerat, quia pulchritudo Cleopatrae infra pudicitiam Augusti erat, incautiorem nacta custodiam in Mausoleum se recepit, ibique juxta suum se collocauit Antonium,

tonium, admotis ad uenas serpentibus, sic morte, quasi somno, demum soluta. Ne tibi regali placeas Cleopatra sepulcro, Vipera si tumulo nobiliore jacet. MARTIALIS, *Lib. IV. Ep. LIX.* Principium dulce est, at finis amoris amarus; laeta uenire Venus, tristis abire solet. Animo per libidinem corrupto ut nihil castum inest, TACITVS *Annal. II. 37. 5.* ita, si formosissima facies accesserit, quae mutua commendatio est, et quam florem uocis dixit ZENO, silentem fraudem THEOPHRASTVS, rem quauis epistola efficaciorum ARISTOTELES, captant interdum superbiam, quia norunt Venerem suam, uenduntque amplexus, aut commodant, ut habet PETRONIVS. Aliae propter hanc uenustatem tam sunt libidinosae, tam ambitiosae, ut, licet ex conditione ciuili, et plebeja, per matrimonium traductae sint in ordinem literatorum, et studiis doctrinisque deditorum, et quam amplissima dignitate sint, minime tamen contentae uiuant, nisi generoso semine rigentur. Sed fastus inest generi, sequiturque superbia formam, grande supercilium gerit. Nequiu hercle me risu admoderariet, cum nuper narraret

narraret



narraret factor, postulasse ab ipso uxorem cuiusdam : *Er sollte ihr doch die Strümpfe Frangösch befohlen.* Longe discedat superbia, vitium rebus commune secundis, uirtutumque ingrata comes, CLAVDIAN. *de laud. Stilicon. Lib. II. u. 160.* Heetba demum apud Senecam de lapsu superborum ita canit : Quicumque regno fedit, et magna potens dominatur aula, nec leues metuit Deos, animumque rebus credulum laetis dedit, me uideat, et te, Troja. Non unquam tulit documenta Fors majora, quam fragili loco starent superbi. Praeterea si diuitem respexeris, intolerabilius nihil est, quam foemina diues, JUVENAL. *Saty. VI. u. 457.* Nil non permittit mulier sibi, turpe putat nil, cum uirides gemmas collo circumdedit. Clamitat, satis est diuitiarum, plus mihi auri mille est modiorum Philippei, et, praeter thesaurum hunc, argenti montes, non massas, habeo, Aetna non aequae alta est. PLAVT. *in Mil. Glorios. Act. IV. Sc. II.* Aliae student auaritiae, eamque ob causam uariis aliis uitiis indulgent. Nullum enim est officium sanctum, atque solemne, quod non auaritia comminuere ac uiolare soleat.

foleat. Brennus, Galliae Rex, cum, uastando Asiam, Ephesum peruenisset, plebeja quaedam uirgo, nomine Daemonice, amore Barbari capta, prodere se uelle Ephesum promisit, si torques et monilia pro mercede darentur. Ad hanc Brennus, in certo loco susceptam, subditos duxit, et, quicquid haberent auri, in gremium auarae conjicerent, imperauit. Qui cum imperium exequerentur, Daemonice prae auri, in se conjecti, multitudine et grauitate uiuens est obruta. Et quis omnia foeminarum enarrabit uitia? quis modos omnes delineabit, quibus artifices malorum omnium sapientissimas esse student. Certum est, dari permultas mulieres, tam callidas, tamque astutas, ut satis earum nequeat malitia depingi. Etsi uero haec omnia, quae jam dicta sunt, Excellentissimus Dominus Auctor Corollarii, quemadmodum poterat, allegasset, tantum tamen abest, ut id sequatur, quod statuit, foeminas uidelicet uel propterea, uel propter peruersitatem, juris fauorem, quem habent, non mereri, ut potius, quod cum uenia ac pace Excellentissimi Domini Auctoris dictum sit, foeminis, propter quarundam peruersita-

uerfitatem fauorem juris, quem habent, non abnegandum esse, firmiter statuam. Quicquid semel juris est constituti, id Priuatorum nec auctoritate, nec opinione, sed lege publica contraria, legislatoriaque potestate mutari fas est. Foeminas multas peruerfitate uiros anteire posse, nemo dubitat. Saepius de integrae familiae foeminis fere pluribus uerba Euripidis dici possunt: Mulieres sunt ad bona consilia ineptissimae, malorum autem omnium artifices sapientissimae: Der gleichen Bösegen taugt zum guten Rathe nicht, zur List, und Räncken, ist es trefflich abgericht.

Satis est notum, quod Margaretha, Catharina, Sibylla, quando conueniunt, garrire incipiant, *et ab hoc, et ab hac, et ab illa.* Eunomia apud PLAVTVM *Aulul. Act. II. Sc. I.* dicit ipsa: Multum loquaces merito omnes habemur, alia alia peior est. Man hält uns für Wäscher und Klagschen, (Serberger in der Herzsposstille am Ostertage nennet solche Stadt-Plagen) und wir sind es auch, und ist unter uns immer eine schlimmer, wie die andere. O ingenuam confessionem! o nobile iudicium! At enim uero ex allegatis dictis biblicis peruerfitatem mulierum demonstrari posse, nec

B credo,

credo, nec, quod Theologorum est, perquirere uolo, ne  
*ἀλλοτριεπισθοπίας* reus fiam. Interim non sequitur,  
 hæc, uel illa, est peruersa, ergo sunt peruersæ omnes  
 foeminae. Nec sequitur, hæc, uel illa, est peruersa,  
 ideoque juris fauore indigna, ergo omnes sunt per-  
 uersæ, omnes indignae juris fauore. A particulari ad  
 uniuersale non ualet consequentia. Sunt aliae causæ,  
 propter quas foeminae juris fauore, quem habent, fruun-  
 tur. Sed me miserum! Venit hic in mentem farum  
 Thrajicei Vatis. Hunc Cicones, Thraciæ mulieres,  
 quod, post amissam Eurydicen, ipsarum spreuerat nuptias,  
 magno cum impetu inuaserunt, et, membra ejus dila-  
 cerantes, de sua immanitate non prius destiterunt, quam  
 ipsi omnino uitam adimerent, et crudelem interitum  
 afferrent. Discerptum latos iuuenem sparsere per agros.  
 VIRG. *Lib. IV. Georg. u. 522.* Et apud OUIDIUM *Lib. XI.*  
*Metam.* una, En, ait, en hic est nostri contemtor.  
 Sed nihil quicquam timeo. Doleo, quod in asserendo  
 stabiliendoque juris fauore, quem habent foeminae, uitia  
 quaedam percerere, Auctorumque opiniones et uerba,  
 foeminis minus fauentia, adducere coactus fuerim.  
 Nulla irasci omnino debet, quæ nequaquam se talem  
 esse

esse cognoscit, ne hoc ipso, quod irascitur, de coetu ipsarum esse uideatur. Si qua dicta ad se rapiat, atque in se dicta putet, ea quasi forex suo se indicio prodet, et, sibi male consciam se, hoc ipso indicabit. Vitia haec, quorum mentio fit apud Auctores, ex leuitate animi fluunt, et uel ideo maiorem foeminae fauorem merentur. Leuitatis autem, et infirmitatis, in Iure inculari genus foemineum satis superque notum est, adeo, ut plerumque foeminarum aduersus propria commoda dicatur laborare consilium *L. 4. C. de Spons.* Imo mulieres etiam perfectae aetatis propter infirmitatem consilii in tutorum potestate perpetua esse Veteres uoluerunt, *CIC. pro Mur. vlp. in Fragm. tit. II. pr. §. 17. seqq. tit. 20. §. 14. SVETON. in Tiber. c. 35. SIGON. de Iur. antiqu. ciuit. Rom. Lib. I. c. 13. RITTERSHVS. ad L. XII. Tab. p. 2. d. 2. c. 13. SVTHOLT Diss. 3. apb. 96. EVBEN. in oper. p. 28.* In foeminis maior leuitas et inconstantia praesumitur, quam in Viro, *CARPZ. P. I. C. 22. d. 18. n. 2.* foeminarumque, ait *IDEM, l. c. n. 2.* summa est inconstantia et mollities, et foemina ab eodem *CARPZOVIO L. 3. t. I. R. 12. n. 4.* dicitur uarium et mutabile semper animal. Quaecunque uero demum

causae fuerint constituti fauoris, minime tamen peruerfi-  
 tas, quae quarundam inhaeret animo, causa erit abo-  
 lendi huius fauoris, uel statuendi, quod omnes foeminae  
 juris fauore, quem habent, sint indignae. Quid enim?  
 Habemus foeminas bonae mentis, bonique ingenii, sin-  
 gularis fortitudinis, aliisque praeditas uirtutibus, natas ad  
 literas, literisque ornatas, atque instructas. Id quidem  
 non adeo spirat acumen flumenque ingenii, quod narra-  
 tur de uxore Viri Sapientis, qui assatis perdicibus et ca-  
 preolis admodum delectabatur. Vxor, ut falleret uirum,  
 fallendoque eius appetitum sedaret, emit gallinam, eique  
 praescindit pedes, alligatque pedes perdicis, maritoque,  
 Viro Sapienti, apponit edendam, eique persuadet esse  
 perdicem, remque astu ita tractat, ut uel centies pro  
 perdicibus gallinas comederet Vir Sapiens, dummodo  
 uideret pedem perdicis. Alio tempore eadem, et ite-  
 rum quidem plus uice simplici, carnem ueruecinam aceto  
 macerat, pedemque capreoli annectit, maritoque apponit,  
 eique carnem esse persuadet ferinam. Vir Sapiens, ut  
 gallinas pro perdicibus, ita carnem ueruecinam pro carne  
 ferina frequentissime, ἀδελῶς, auideque, de gustu minime  
 disputans, uerbis foeminae fidem habens, deuorauit, dum-  
 modo

modo pedem capreoli uideret. Sed mihi ante oculos ob-  
 uersatur aliarum foeminarum dignitas, quae me ad sese ra-  
 pit, et haec minora, quae nihil quicquam merentur laudis,  
 relinquere hortatur. Dantur aliae foeminae, majoris gloriae  
 ac laudis dignae. Qua uirtute Cloelia, custodiam elapsa, per  
 patrium flumen equitauerit, habes apud VALERIVM, c. 2. 3.  
 PLIN. c. 13. PLVTARCH. c. 14. FLOR. Lib. I. c. 10. Vides  
 igitur signum fortitudinis. Muliebre ingenium literarum  
 etiam capax est, et culturam bonarum artium admittit foe-  
 minarum intellectus, nec aduersa est earum memoria, quin  
 scientiarum notitia imbuatur, uid. GREEN. *Disp. de Sibyllis*  
*in Praefat.* Quis dixerit naturam maligne cum muliebribus  
 ingeniis egisse? Par illis, crede, uigor, par ad honesta  
 facultas est. Habuimus Philosophas, Poëtrias. Elifabetha,  
 Regina Angliae, Scriptores Graecos Romanosque legit, sed  
 ita, non ut in iis occuparetur, quae sermonem elegantio-  
 redderent, aut uanae ostentationi inferuient, sed quae ani-  
 mum solida eruditione imbuerent, BAHUN *dans le Caractere*  
*de la Reine Elifaberb fol. 4.* Elifabetha, Friderici V. Electoris  
 quondam Palatini, et electi Bohemorum Regis filia, tanta  
 Philosophiae Cartesiana dulcedine capta est, ut uel ideo,  
 quo liberius ei uacaret, Regis Poloniae matrimonium spre-



uisse feratur. Olympia Fulvia Morata Ferrariensis, morum sanctimonia, ingenio, et eruditione cum quavis prisca aevi comparanda foemina, graece et latine scribere eleganter, et uersus utraque lingua pangere edocta. In Academia Patavina quondam Facultatis Philosophicae lauream publicam reportauit cujusdam Procuratoris S. Marci filia, Helena Cornara Piscopia. In Theologia eandem petitura erat, nisi obstitisset Cleri auctoritas. Indignum enim credebant, mulieri docendi munus in ecclesia conferri, cum sacris literis hoc repugnet. Lauream ante aliquot annos in hac ipsa Academia accepit Ziegleria, praestantioris foemina ingenii. De aliarum doctrina plura non dicam. Euoluat, cui uolupte est, *Destinata Literaria et Fragmenta Lusarica, P. VI. p. 489.* et inueniet elegantissimum Carmen, quo pietatem *Serenissimo Potentissimoque Principi ac Domino, Domino Friderico Christiano, Regio in Polonia, et Electoratus Saxonici Principi Heredi,* ex itinere reduci, declarauit foemina, D. M. L. quae est JCTi apud Lubenenfes Grauiissimi, Loescheri, Parentis optimi, filia, uirgo acrioris iudicii, morumque elegantiorum. Fufe differit de mulieribus, quae eruditione ac doctrina uiros superarunt, ANDR. TIRAQUELLVS *Lib. I. de Nobilit. c. 37.* Scripsit pariter FRANC. SARDONATVS Italice *de illustribus Mulieribus.*

AVGY:



AVGVSTINVS DELLA CHIESA edidit *Theatrum Mulierum doctarum*. Recenset BAPT. FVLGOSIVS, seu Fregosius, seu Cambofulgosius, Dux Genuensis, a principatu suo dejectus, foeminas, quae doctrina excelluerunt, in *Lib. VIII. Dictorum et Factorum Memorabilium* c. 30. Eandem operam nauarunt CASPAR BOCCATIVS, BALTH. CASTILIONAEVS, IVLIVS CAESAR CAPACCIVS, FRANCISCVS AVGVSTINVS DE GRANVILLE, AEGIDIVS MENAGIVS in *Commentariis*, seu *Historia de Mulieribus Philosophicis*, Annae Fabrae Daceriae inscripta, et Lugduni 1690. edita. Extat etiam CHRISTIANI JVNCKERI *Centuria Foeminarum eruditayum*. Idem fecit JAC. THOMASIVS, cujus extant de eruditione foeminarum aliquot dissertationes Lipsiae habitae. Non exiguas foeminarum laudes recenset ALEXANDER AB ALEXANDRO *Genial. diu. L. 4. c. 13.* Vid. CONNANI *Commentaria Juris Ciuilis* n. 42. Transeat igitur LIPSIVS, transeant Talmudici, qui nullam mulieri, nisi in coelo suo, sapientiam permittunt. Absit etiam, ut sentiam cum his, qui libidinoflores, et magis peruersas, ex studiis foeminas sibi effingunt, quam quidem deceat, CHRISTIANI JVNCKERI *Cent. Foem. erud. Praef. §. 3.* Sit sua cuique opinio. Ego, ut, quam in sententiam discesserim, scias, si per me fauor juris, quem habent foeminae, abjudicandus fuisset,

fuiſſet, cui quidem abjudicando impar ſum, peruerſitatis rationem non obuertiſſem, ſed potius dixiſſem, foeminis, propterea quod iisdem, quibus uiri, ſaepe polleant ingenii, iudicique, uiribus, dum nulli praecluſa eſt uirtus, quae omnes admittit, nec cenſum, nec ſexum; eligit; plus fauoris, quam uiris, in iure tribuendum non eſſe. Sed utantur ſuo, fruanturque iuris fauore, quem habent foeminae, nihil perturbo, nihil impedio. Neſto aliud filum ſcriptionis meae praefentis. Ab aliquibus Jurium Cultoribus Generoſiſſimis pariter ac Nobiliſſimis rogatus ſum, ut modos rationesque in foro perorandi cauſas oſtenderem, ſcholasque propterea aperirem. Ego, etſi uariis diſtrahor negotiis, huic tamen deſiderio, laudabili ac honeſto, deeſſe nolo, ſed, ſi dabitur numerus Auditorum ſufficiens, IO. GODOFR. KRAVSI, JCTi, dum uiueret, incomparabilis, Viri, cujus uirtutes ac memoriam nulla unquam apud omnes bonos obſcurabit obliuio, Proceſſum Judicarium, eumque a me in Compendium redactum, Scholisque accommodatum, celebrato Feſto Johannis, exponere ſpondeo ac promitto. Praeterea in Compendio Juris Struuiano, uel Compendio Juris Feudalis Strykiano, explicando operam ſtudiumque praefabo, ſi qui has doctriſas Juris, iis Auctoriſas praeeuntibus, ſibi tradendas flagitauerint.

Dabam Vitembergae, d. xxviii. Maj. MDCCLIV.



Wittenberg, Diss., 1744-45


ULB Halle

005 310 547

3







2425.

Q. D. B. V.  
NVM

1744

u  
5

FOEMINAE  
OB PERVERSITATEM  
IVRIS FAVOREM QVEM HABENT  
NON MEREANTVR

BREVITER DISQVIRIT  
SCHOLASQVE IVRIS APERIVNDAS  
INDICIT  
IO. CHRISTIANVS HEDLERVS  
I' V' D

2



---

VITEMBERGAE  
TYPIS IO. FRIDER. SCHLOMACHI  
MDCCXLIV

